

Акафист преподобным Ионе и Нектарию, Казанским чудотворцам

Кондак 1

Избранные чудотворцы и угодницы Христовы, святителя Гурия чуднии помощницы и града Казани предивное украшение! Приимите от нас, недостойных, подобающую вам похвалу и, яко имеюще дерзновение ко Господу, от всяких бед и скорбей свободите зовущих: Райдуйтесь, преподобнии Ионо и Нектарие, святителя Гурия чуднии помощницы и чудотворцы преславнии.

Икос 1

Ангелов Творец и всея твари Содетель, предъуведевый, яко царю Иоанну быти на вы во гневе праведном, отъял вас повелением царевым от мирскаго прозябения, яко быти сосланныма вама на труды тяжкия в новопросвещенный град Казань, и показал есть миру истинных ревнителей о вере Православней и апостолом сослужителей. Нас же научи вопити сие вам: Радуйтесь, силою Свыше на труд крестоношения облеченнии, Радуйтесь, смирением на высоту вознесеннии. Радуйтесь, кротости приснии рачители. Радуйтесь, всех добродетелей неленостные исполнители. Радуйтесь, всех воле Божией себе предавые, Радуйтесь, Отечество новое восприявые. Радуйтесь, разум свой в послушание веры пленивые, Радуйтесь, через все житие свое Богу послуживые. Радуйтесь, преподобные Ионо и Нектарие, святителя Гурия чудные помощницы и чудотворцы преславнии.

Кондак 2

Видевше себе невинно оклеветанныма и в царевом повелении Божественное попущение помышлявше, вы, блажении, оставивше Бежецкия имения, последовасте на служение первосвятителю страны Казанкия, не с унынием сердечным, но с велию радостию поюще Богу за сие: Аллилуиа!

Икос 2

Разум Божественный имея, увиде святитель Гурий в вас подражателей Христовых, яко тяготившихся праздности болярской, пребывали есте во трудех и нищите духовней не похвалы ради, но страха Божия. Ему же самому явишася опорой в делех апостольских; сего ради приимите от нас

сицевая: Радуйтесь, пастыреначальников усердныя служители, Радуйтесь, богопоставленным властем подобающаго почитания учителя. Радуйтесь, уважения всятительскаго снискавшии, Радуйтесь, к нему любовь народа притяжавшии. Радуйтесь, яко возлюбили есте Христово смирение, Радуйтесь, яко Крест Его понесли есте с преданностию и терпением. Радуйтесь, друг друга тяготы носить научившии, Радуйтесь, житие свое добродетельми благоукарасившии. Радуйтесь, преподобныи Ионо и Нектарие, святителя Гурия чудныи помощницы и чудотворцы преславныи.

Кондак 3

Силою Вышняго укрепляеми и наставлениями превосвятительскими направляеми, вы, преподобныи, послужили есте граду новопросвещенному. И ныне о нем молитесь Христа Бога нашего. Мы же поем Ему: Аллилуиа!

Икос 3

Имея помыслы чисты и души непорочныя, кротостию и любовию отгоняюще тьму языческаго нечестия, вкупе со святыми наставники привлекали есте к вере Христовой люди Казанския, добродетельми своими и благочестием. Сего ради зовем вам: Радуйтесь, в заповедех Господних право ходившии, Радуйтесь, всяку добродетель в себе изобразившии. Радуйтесь, лучи святительскаго сияния, Радуйтесь, трубы апостольскаго вещания. Радуйтесь, скорби жития своего доброе претерпевшии, Радуйтесь, тяготы дневныи до конца неослабно понесшии. Радуйтесь, дольняя оставляти и духом взлетати к горним нас увещающии, Радуйтесь, во всем волю Божию зрети нам помогающии. Радуйтесь, преподобныи Ионо и Нектарие, святителя Гурия чудныи помощницы и чудотворцы преславныи.

Кондак 4

Буря помышлений сумнительных непоколеба вас, егда царева гнева не убоялися, и, токмо в страхе пребывавше пред Царем Небесным, взывали есте к Нему: Аллилуиа!

Икос 4

Слышавше о вас отцы добронравныи, люди христианския и агарянския дивляхуся житию вашему, яко телом в боярских ризах пребывали есте, душою же во смиренных иноцех ходяще и бегающе от славы человеков и искавше токмо славы Единого Бога. Сего ради ублажаем вас сице:

Радуйтесь, града Казани похвало и украшение, Радуйтесь, делатели добрии, пастырям опора и вспоможение. Радуйтесь, яко во Христа облекшиися, Радуйтесь, яко Им от напастей оградившиися. Радуйтесь, очеса своя всегда на Небо возводившии, Радуйтесь, славу небесную паче земной возлюбившии, Радуйтесь, себя и весь живот Господеви предавшии, Радуйтесь, высоту любве истинныя словом и делом нам показавшии, Радуйтесь, преподобнии Ионо и Нектарие, святителя Гурия чуднии помощницы и чудотворцы преславнии.

Кондак 5

Боготечною звездою возсия над новопросвещенной страной святитель Гурий, вы же, яко луч добродетельнаго сияния его явились есте, и ныне с ним вкупе у Престола Божия воспеваете Христу: Аллилуиа!

Икос 5

Имевше веру ко святителю Гурию даже по смерти его, воздвигли есте над гробом каменну храмину во обители Боголепнаго Спасова Преображения, и со многи почестьми погребли есте. Тем же дивляшесь преданности вашей, вопием сице: Радуйтесь, образи содружества непорочнаго и нетленнаго, Радуйтесь, светильницы всесветлии горящие любовию Божественною. Радуйтесь, яко Гурия Богоноснаго подражатели. Радуйтесь, яко Варсонофия Богомудраго последователи. Радуйтесь, гроба святительскаго устроители, Радуйтесь, прославления, иже во святых, святителей предвозвестители. Радуйтесь, вкупе со святыми пожившии, и по смерти неразлучившиися, Радуйтесь, яко от обители земныя во обитель Небесную водворившиися. Радуйтесь, преподобнии Ионо и Нектарие, святителя Гурия чуднии помощницы и чудотворцы преславнии.

Кондак 6

Проповедник Богоносный избран бе для Казанской земли – Гурий чудный святитель. Посреди же сотрудник его и ты, преподобный Ионо, последовал еси в новое Отечество, царскому повелению ничтоже противовещая, яко виде в нем волю Божию, поя Ему за сие: Аллилуиа!

Икос 6

Возсиявый во граде Казани свет истины Христос Царь славы, чрез царя земнаго избра тя, преподобне Ионо, в перваго zde болярина

архиепископскаго, яко в Дому Пречистыя Богородицы честнаго Ея Благовещения был еси опорю апостолу Казанския Церкви. Сего ради ублажаем тя сице: Радуйся, незлобием своим духа злобы победивый, Радуйся, отче краснодушный и чадолубивый. Радуйся, наследника своего добрый учителю, Радуйся, о храмах Божиих рачителю. Радуйся, чистоты душевныя сокровище, Радуйся, любви и кротости вместилище. Радуйся, правды и истины паче всего искавый, Радуйся, мзду вечную добродетельми стяжавый. Радуйтесь, преподобнии Ионо и Нектарие, святителя Гурия чуднии помощницы и чудотворцы преславнии.

Кондак 7

Хотяй Всевидец Господь прославити тя, блаженнее Ионо, постави во смирение людем Своим, и изведе из веси Застолбской в новопросвещенный град. Сему Божию промыслению дивящееся, со умилением зовем Ему: Аллилуиа!

Икос 7

Новопросвещеннии людие дивляхуся о тебе, отче, яко и после смерти начальника твоего не оставил еси любовь к нему, и соградил еси над гробом храмину, в коей и сам схронися по времени, и после тебе погребошася людие святы. За сей труд славный поем ти: Радуйся, славы человеков избегавый, Радуйся, Небесною славою душу твою осиявый. Радуйся, яко дела твоя Свыше благословишася, Радуйся, яко труды твоя святым наставником освятишася. Радуйся, заповедей Божиих верный иполнителю, Радуйся, добродетели твердый ревнителю. Радуйся, храмины чудной создателю, Радуйся, святым земнаго пристанища основателю. Радуйтесь, преподобнии Ионо и Нектарие, святителя Гурия чуднии помощницы и чудотворцы преславнии.

Кондак 8

Страннолепная храмина не токмо святители вместила есть, но и прежде тебе, отче, отроча твоего, преподобнаго Нектария. Ты же, схорони сына рядом с Гурием святителем, рек: верую бо, молитвами святаго, якоже обещамяся, да умолит и о нас Христа; и благодари Бога о скорбех своих, слезми умываяся и зовя к Нему: Аллилуиа!

Икос 8

Весь добродетелей исполненный, воистину во плоти бе Ангела, преподобне Ионо, яко дом твой добым пристанищем ста, идеже приходящим к тебе с любовию принимал еси, скорби их утешая. Сам же печали не сносив, презре мир, и во обитель вселися у гроба дорогих тебе человеков, свой дух Богу предаде. За сие вопием ти: Радуйся, всего себе воле Божией предавый, Радуйся, веру в делех жития своего показавый. Радуйся, яко отец чадолюбивый чадо свое назидавый, Радуйся, яко за ним во обитель вселися и имения своя раздававый. Радуйся, истиннаго послушания настоятелю, Радуйся, человеком земным Небесный предстателю. Радуйся, последняя твоя Богови отдавый, Радуйся, добрым расточением богатая собравый. Радуйтесь, преподобнии Ионо и Нектарие, святителя Гурия чуднии помощницы и чудотворцы преславнии.

Кондак 9

Вся удиви Господь, яко волею по стези благочестия наставлен бе от юности твоя, и, яко воистину возлюбивша Бога, сотвори тя, преподобне Нектарие, в жилище Святаго Духа, и отверзи уста твоя вкупе со святыми наставницы пети Ему: Алилуиа!

Икос 9

Витий человеческие уста невозмогут изрещи чуднаго жития твоего, угодниче Божий, яко за отцем изшед в неведомыя земли, явися миру в одеждах болярских, но прежде монашесва монахом познася, и о богатстве мира не радел еси. Мы же поем ти: Радуйся, издетска страх Господень стяжавый, Радуйся, семя слова Божия от юности восприявый. Радуйся, верою и любовию измлада украшенный, Радуйся, многими слезами и воздыханиями очищенный. Радуйся, добродетели высокия в сердце вкоркнивый. Радуйся, в заповедех Господних вся дни живота своего ходивый. Радуйся, добродетели отца наследниче, Радуйся, за всех и за вся теплейший молитвинниче. Радуйтесь, преподобнии Ионо и Нектарие, святителя Гурия чуднии помощницы и чудотворцы преславнии.

Кондак 10

Спасти хотя душу свою, о теле всячески не радел еси, преподобне, и под богатыми ризами отай власяницу жестоку нося, изнуря бо плоть немощную, показа крепость духа, и пребывая в слезах и сокрушениях, с

радостью едино токмо Богу воспевал еси: Аллилуия!

Икос 10

Стеною обители Спасовой решив оградить себе от жития мира сего, блаженне Нектарие, и прении бо тленная на нетленная, получив родительское благословение в монашеское облачися. Мы же зовем ти: Радуйся, тесный путь спасения от юности возлюбивый, Радуйся, вся плотския похоти Бога ради умертвивый. Радуйся, измлада смирения хранителю, Радуйся, отцу твоему воздержания учителю. Радуйся, Бога, яко истиннаго Отца нашего, познавый, Радуйся, яко чистотою сердца Его созерцавый. Радуйся, яко прежде монашества иноком ся соделавый, Радуйся, яко в слабом телесе велию силу душевную явивый. Радуйтесь, преподобнии Ионо и Нектарие, святителя Гурия чуднии помощницы и чудотворцы преславнии.

Кондак 11

Пение приносим ти, блаженне, яко вси людие, взирающе на смиренное твое житие, дивляхуся, яко отринул еси богатство родительское и нищетою духовною облеклся еси, в посте и молитве пребывая, к чистому житию всех возбуждал еси, поя Богу: Аллилуиа!

Икос 11

Светоприемна светильника яви тя Господь Бог, яко тело твое постом и бдениими удрученное удрученное, по времени обретесе святителем Ермогеном, и како Гурия чуднаго, Варсонофия мудраго и отца твоего, одари нетлением. Мы же, прославляя Господа всех, вопием ти сице: Радуйся, светильниче пресветлый благодатнаго сияния, Радуйся, цвете благоуханный добраго воспитания. Радуйся, хлебы трапезу украшавый, Радуйся, яко от богомудрых отец взамен пищу нетленную получаваый. Радуйся, родители и наставники твои кротостию удививый, Радуйся, Господа Бога паче всех возлюбивый. Радуйся, нищетою Духа от богатства тленнаго оградивыйся, Радуйся, яко прежде отца со святым Гурием в Небесные чертози вселивыйся. Радуйтесь, преподобнии Ионо и Нектарие, святителя Гурия чуднии помощницы и чудотворцы преславнии.

Кондак 12

Благодати исполнении сосуди, показашася честныя ваша мощи,

преподобнии Ионо и Нектарие, яко же не токмо нетлением одари их Господь, но и силою чудес награди. Мы же дивному во святых Своих Богу за сие вопием: Аллилуиа!

Икос 12

Поюще хвалебную песнь, восхваляем святую память вашу, отцы досточуднии, яко послужили есте в мире верно земли Казанстей апостолу, и ныне с ним предстоите Престолу Божию, и молитесь о нас недостойных. Мы же радостно зовем вам: Радуйтесь, душевною благодатию от Бога телеса просветившии, Радуйтесь, яко оные и по смерти нетленно сохранившии. Радуйтесь, житие свое земное благочестно скончавшии, Радуйтесь, по смерти силу чудес от Бога приявшии. Радуйтесь, всех Небесных сил сожители, Радуйтесь, жизни богоугодныя училии. Радуйтесь, чтущим память вашу спасение и утешение низпосылающие, Радуйтесь, со всеми святыми в райских обителях ныне пребывающие. Радуйтесь, преподобнии Ионо и Нектарие, святителя Гурия чуднии помощницы и чудотворцы преславнии.

Кондак 13

О преславнии чудотворцы и угодницы Христовы, преподобнии отцы наши Ионо и Нектарие! Приимите от нас, недостойных, сие малое молитвенное приношение, и со Пресвятой Владычицею Богородицею и всеми святыми Казанстими принесите молитву к Богу: да избавит нас от всех скорбей и бед, оградит град ваш и умирит жизнь нашу, и не лишит Небеснаго Своего Царствия, идеже вси угодившии Ему со Ангелы немолчно вопиют: Аллилуиа!

(Сей кондак читается трижды)

Икос 1

Ангелов Творец и всея твари Содетель, предъуведевый, яко царю Иоанну быти на вы во гневе праведном, отъял вас повелением царевым от мирскаго прозябения, яко быти сосланныма вама на труды тяжкия в новопросвещенный град Казань, и показал есть миру истинных ревнителей о вере Православней и апостолом сослужителей. Нас же научи вопити сие вам: Радуйтесь, силою Свыше на труд крестоношения облеченнии, Радуйтесь, смирением на высоту вознесеннии. Радуйтесь, кротости приснии рачители. Радуйтесь, всех добродетелей неленостные исполнители. Радуйтесь, всех воле Божией себе предавые, Радуйтесь, Отечество новое

восприявье. Радуйтесь, разум свой в послушание веры пленивые, Радуйтесь, через все житие свое Богу послуживые. Радуйтесь, преподобные Ионо и Нектарие, святителя Гурия чудные помощницы и чудотворцы преславнии.

Кондак 1

Избранные чудотворцы и угодницы Христовы, святителя Гурия чуднии помощницы и града Казани предивное украшение! Приимите от нас, недостойных, подобающую вам похвалу и, яко имеюще дерзновение ко Господу, от всяких бед и скорбей свободите зовущих: Радуйтесь, преподобнии Ионо и Нектарие, святителя Гурия чуднии помощницы и чудотворцы преславнии.

Молитва преподобным Ионе и Нектарию, Казанским чудотворцам.

О, преподобнии отцы наша Ионо и Нектарие! Услышите ныне нас, к вам усердно молящихся и предающих зде, на земли, к раце честных мощей ваших. Вы же духом на Небесех Пресвятей Троице предстоя со святителем Гурием, молитесь о нас грешных, да избавимся от всяких болезней и обстояний, и благочестно поживем в настоящем житии, да явимся святаго вашего жития подражатели. Умолите Христа Бога даровати нам оставление грехов наших, елико согрешихом от юности нашея делом, словом, помышлением; да своею благодатию водворит Господь среди нас единомушие и любовь. Оградите неусыпными молитвами вашими град Казань, в нем же добродетельно поживше, Богу угодили есте, от всех навет вражеских; а вся люди в нем живущия от бед и скорбей: яко да не востанут чада на родителей своя и не погубят их междоусобныя распри, и да не оскудеют в богохранимом граде сем ревнители иноческаго благочестия. Испросите же нам у Господа вечнаго спасения, яко да вашим теплым предстательством спасаеми, славу возсылати сподобимся в Троице славимому Богу нашему – Отцу и Сыну, и Святому Духу, ныне и присно и во веки веков. Аминь.